

瑜伽論略纂卷第六

京大慈恩寺翻經沙門

窺基

撰

地第四段釋第五義諸經宗要衆雜事中有二上釋宗要下釋  
雜義文今為二初十一復次別引經釋後以四正法攝持聖教  
初經明身心遠離引如實覺第二經善脩止觀覺了所知第三  
經等持等至等善巧中文分為三初引經標第二兩復次釋經  
四句第三句何為住下別釋十四句經其等愛下例翻不等愛  
為一句故成十四句調善句下有行拘執法性拘執釋調善中  
此二標文非釋經句其四句中初復次以定相對為四句其等  
持名目十一種空无相等宗殊勝故緣境遍故偏得彼名其等  
至名亦目六種勝處遍度能成變化滅盡等至唯聖所成故偏

得名為初二偏句俱句之中略舉遍處例勝處滅定標无想定  
顯諸異生所成等至亦入此句五現見等至亦應別說義少隱  
故略而不說餘皆准知故下結言如是於先所說等持等至中  
隨其所應當善建立此中從勝且偏說故第二四句中唯作初  
二句等持善巧非等至善巧者謂於等持名句文身善知差別  
非於能入等至諸行狀相差別等者此說善巧三惠為性其等  
持者今此中說略有二義平等定為所持行者為能持行者能  
持等定故名等持又所詮定名之為等能詮定教名之為持教  
能持定故名等持其等至者所入定名為等能入定行狀相名  
至能至等故名等至至者到義因能入果至於等故又所入定  
名等至義如常釋由此等持等至各有二義故此四句相對不

同此中初句定教為等持能入定諸行狀相名等至第二句以能入等至諸行狀相及所入定俱名等至以證定教能入行者名為能持有諸菩薩雖能得入下顯於等至善巧非等持相指諸菩薩以明其義乃至未從諸佛所聞等下釋於等持非善巧有三義一未從諸佛聽聞二未於第一菩薩所聽聞三未自證得第一究竟故於定教不能善知上一未字下貫三處於不定地分別躰相所攝者散境也此是定地不同類法故思惟散境名出定也定所作者謂飲食等者此是出定所應作事由至此

纂六

二

新

時應出定故所緣相者謂分別躰由緣此故能入諸定者謂諸有漏法皆名分別故定所緣名分別躰相分離見无別性故或此

所緣以五法中分別所現相幹為所緣相六何引發謂能略攝  
廣文句義者此聞持力攝廣文義六何等愛謂慚愧愛敬等者  
此謂定前起十二種法一慚二愧三愛四敬五信乃至第十二  
樂以此為方便心便得定於此十二樂等愛故名為等愛第四  
分別靜慮經中文有四一引經標二略釋四轉三廣釋相四結  
成此中四轉當知二時顛倒等者四轉者一有漏三摩地趣進  
時顛倒二有漏定趣退時顛倒三有漏定正退失无倒四无漏  
定正進時无倒或初二於進謂退名為顛倒初於有漏定進時  
謂退後於无漏定進時謂退故皆名倒論說第二於三摩地退  
時顛倒者脩進无漏趣退有漏時謂顛倒後二退時謂退名為  
无倒初於有漏定實退時謂退後於无漏定退有漏時謂退於

有漏定退時謂退中文有三復次一由愛味故退二由慢毀故退三由貪誑故退第二无倒翻初无倒應知其相者謂得无漏定將失有漏定時如實知退是名无倒第三无倒退時知退第四无倒无漏進時知有漏退此中第四与前第二有差別者前脩无漏方便猶未證得謂退曾得定今第四正得无漏有漏不行謂之為退故成差別第五今別四檢行經中文有三一引經標二略顯檢行相三廣顯示所檢行即四分淨定為所檢能察即三惠此即一人具脩四種第六於六境不受想无想經文有二初牒經後別釋於此諸法若實若有都不領受者不受境自相也尚不受想者尚不受六境之想何况无想者亦不受彼无想也下釋有三无有眼想釋尚不受於想不受自相釋都不領

受不受无想釋何况无想由敗壞故威勢映奪乃至然有其想者谓无漏定數思敗壞遂於跟等无有事想唯有四諦諸理想起不受无想者相与无想皆悉不受由不思惟一切相故有空二想皆悉不受故於滅盡真如理中思惟寂靜此中意說離諸相想名无想者无分別智正證如特前苦樂等相亦皆離之相与无想一切皆離故離相想名為无想第七釋四趣道經有三初標次釋後顯差別初唯有漏依定引趣无漏道故第二依惠趣定第三依二趣二第四初依定趣惠後依惠趣定第二第三通有漏无漏第四亦尔俱引見道及脩道无學道故第八釋四淨勝經中有三初標淨勝經次釋淨勝義三釋四淨勝相謂所

得所證所引戒等者所得者謂若圓滿法所證者謂若攝受法  
所引戒等者謂發慧精進求滿今滿法四淨勝者一尸羅二三  
摩地三見四解脫此中所得所證所引戒等言皆通四淨勝圓  
滿攝受下文牒釋發慧精進未滿今滿是所引戒定見解脫躰  
故不牒釋又所得者戒所證者定見所引者解脫戒等者等定  
見解脫義顯所得所證所引下七六何初一為戒其等持見解  
脫各二六何隨應配釋雖住具戒等四句六支如聲聞地廣說  
戒定二種異生位名圓滿得聖位名攝受見在異生位名未圓  
滿入聖位名圓滿無學位名攝受解脫在有學位未圓滿無學  
位名圓滿不時解脫名攝受解脫之障及事障所得擇滅名解  
脫第九釋心清淨行苾芻思惟五相經中文有五初引經標二

釋清淨行三明行障四別釋思惟五相五結成障者即諸不善  
欲恚害尋親里國土不死尋所曾經樂等七種尋思皆為障  
四別釋五相中有二初揔標三品尋思差別成五二別釋五第  
五上品尋思行者思惟因果等諦相故令七種尋滅依中品尋  
思今成二種一見尋思過患二不念思惟令七尋滅依上品尋  
思今成二一非初即今一切不行要當方便漸當折伏二若  
猶未能伏便生駭怖多思惟故令七尋滅第十蕩塵經中文有  
三初引經問二釋三陶練三舉法合如金性內所有生金下是  
發心出家名初陶練在資糧道位得靜慮等是次陶練入聖位  
已是後陶練故論說言不為有行之所拘執依惠根伏令根性  
顯根除煩惱立陶練名第十一釋於三相思惟經有三一引經



標二釋三相三結成差別三相者一止二舉三捨一向脩止舉  
在定加行於緣起等不正思擇不思擇故心不正定不能現觀  
不盡諸漏成阿羅漢歟思惟捨便思緣起乃至徧盡道成滿故  
上十一段別引經釋下一復次以四正法攝持聖教有三一標

纂六

新

二列三釋遠離者入定處所修習者所脩定惠脩果者謂所得  
解脫所離二障有無為界云何已習奢摩地下釋此第三无乖  
諍者師善順教資善順師故善契理宗教无連返名无乖諍若  
義若句若文不說名者舉初後以貫中故第一句者所謂前句  
乃至即以此句而問第二等者此略明於句平等潤洽前句者  
第一句也如尊者阿難於五百苾芻中以此初句問一比丘復

以初句問第二比丘乃至五百彼皆答言如是如是乃名師弟  
義句无乖平等潤洽牙相隨順句義同故師弟同教教同義教  
同義義同行教同皆准知也 設於初一依蘊而問乃至不

得名牙相隨順此返顯也設於初一依蘊而問恐有第二同類  
行者而不解前所問義故以餘問依問既殊句義便別云何得  
名平等潤洽初二行者果證既同有知不知句義問別師弟相  
返教義不同故非平等潤洽隨順以佛弟子證見同故教義師  
弟不相乖返外道見殊迥相乖返非三摩四多地 境用之中上  
釋等引位下釋非等引位釋論云翻前易了躰即欲界全上二  
界中一切散法然觀此論文意十二不定中第七第九第十三  
種不定地是上界六七作意第八是上界塗法此地不唯翻前

地是亦通上二界一切法文今為二初問起探後隨別釋此十  
二種史擇六十三廣說差別建立所由謂依初不定地於安住  
心應正取相謂青瘀相等此說五識性不定故於境馳流貪等  
生起為止息故觀青瘀等而安住心即以此義西方二說一云  
五識唯是有漏性不定故性散亂故說十五界唯有漏故成可  
作智或第六識或第七識二云依諸二乘異生者說十五界有  
漏自性不定非依餘位於中有說成可作智菩薩脩道即現在  
前有說佛地方得初起如唯識第十佛地第四等釋或有闕輕  
安名非定地謂欲界繫心心所等六十三云依止此故為得作  
意應勤脩習此言意說為得上界作意應勤脩習欲界善心或  
厭闕輕安欲界散地為得上界輕安地作意懇勤脩習唯識兩

說有義欲界无輕安以此文為證言善十一通一切地者通有  
尋同等三地隨應有故有義欲界亦有輕安彼定如行亦得定

集

六

五

計

地名彼亦微有調暢義故除定如行餘欲界心皆闕輕安名不  
定地非一切无說善十一通一切地即九地故餘十不定地如  
六十三釋 有心无心地初九地三乘境中今四此之二地第  
四段辯境位六識有心无心二位別故文今為二初問標五門  
後隨別釋地建立中唯依初五地辯地建立非依餘者但依地  
辨五識意地有名有心无心无心辯有无心相猶未顯未知九  
地何處義成舉地辨性於有尋等地三相之中以辨有心及无  
心者即知九地二位差別亦知定非定地何者有心何者无心

故更不須依定非空地辯有無心三惠三乘六地諸行有無心  
別不出前門有無餘依此第四第五門中辯有無心非有身  
位有無心別故有無心唯依五地有尋有伺地中無心睡眠無  
心悶絕不名無心地者以睡眠悶絕無心不定故無尋無伺地  
中無想定等定無心故又睡眠悶絕依主識說名有心地無想  
定等依客識說名無心地影略說故又依隨轉理門以辯無心  
薩婆多說悶眠有心故然史擇今復依五義辯有心地由七種  
因辯無心地唯依地躰以辯有心依此第三生與不生建立無  
心彼說七因此八因者此開根境彼合名緣關其因緣如六十  
三釋問若許二乘入無餘依云何不許衆生界滅經說衆生界  
無增無減故答如海無邊除去一滴非為增減生死海中此六

如是又无上依經衆生界者謂如來藏性衆生雖有入无餘依  
彼如來藏无增无減故彼經言阿難是如來界无量无边為煩  
惱塵之所隱蔽随流生死无始輪轉我以此義名衆生界若依  
此義真為妄性妄依真立妄雖起滅真无增減又楊伽經說諸  
聲聞經於多劫入涅槃界耽三昧酒長時醉卧後從彼起發大  
心者攝大乘說化作聲聞非實如此故无餘依身心並滅聞所  
成地上之九地辯三乘境自下六地辯三乘行初三通行三乘  
皆能脩三惠故後三別行應機随法成自乘故又初三是方便  
行後三根本行又初三所學行後三所成行聞謂聞惠聞緣教  
故以此為因所成諸法名聞所成即以彼惠及相應法并聞所  
緣若文若義并所得果為此地躰前作意中聞唯緣法者少緣

義故此地文今為三初結前問後標起論端次問列五明處名  
後隨別釋謂若略說於五明處乃至讀誦憶念者有二釋此顯  
於五明教所生聞惠一云謂以覺惠為先聽聞後時意地領受  
讀誦及憶念等方是聞惠其五識初覺惠并聽聞及俱意識聽  
聞讀誦是生得惠不明了故二云覺惠為先者是生得惠若聽  
若聞若領受若讀誦若憶念俱是聞惠俱特五識雖非正聞惠  
由從意地方便聞惠所引發故因聞所成明了心者亦是聞惠  
設雖意地領受讀誦等不明了者皆生得惠又於依止名句文  
身義中无倒解了者謂於五明處義覺惠為先所起聞惠第三  
別釋五明處中初辯內明處文有二初標四門後隨別釋四門

者一事施設者謂三藏事施設建立事謂事義謂經律論義差別故又是諸所詮義所依之幹事故立事名二想差別施設者謂能詮名由名句文皆從想生故名稱想又西域呼名多呼為想又名等无弊隨聲假立隨其想解号為能詮故說名等稱之為想三攝聖教義相者謂諸聖教所詮之義能攝聖教四由佛教所應知處相者謂從二故佛教所詮事增益乃至十種佛教所詮事名佛教所應知處相第三以理攝教第四以教顯理素怛攬六契經毗奈耶云調伏摩怛履迦云本母集諸經義議論明之出生諸經別所詮義故名本母即舊所云脩多羅毗厘摩怛勒伽想差別中有四喩拖南初喩拖南有十二門第二喩拖南有十四門第三喩拖南有九門第四喩拖南有十門句謂內



六處等者詮法自性名名詮法差別稱句今詮法差別是故名  
句以寬攝揆名在其中无量境界在十方處所三世時分改皆  
言无量四衆中雖明男女四衆无鄔波斯迦又鄔波斯迦索迦  
所攝俱從在家中戒為性故別離出之三十七道品四沙門果  
无諍願智六神通等如聲聞地說大乘五事四尋思四如實智  
三性三无性如次擇今釋四真實五種大乘五无量不思議威  
德勝解等如菩薩地釋六內處境界下十四門皆名聲聞地法  
大乘五事下有十四門功德是大乘法補特伽羅空補特伽羅  
无我法空法无我有差別者空謂所空自性无我謂无其用及  
差別義又空謂二空理无我謂所執或翻此說故二差別五相